

Aalisarnermut, Piniarnermut Nunalerinermullu Naalakkersuisoq  
Medlem af Naalakkersuisut for Fiskeri, Fangst og Landbrug

Inatsisartunut ilaasortaq  
Debora Kleist, Inuit Ataqtigiit



**Naalakkersuisunut apeqqummut nr. 117-imut akissuteqaat pineqarluni Nanortalip aalisakkanik tunitsiveqarnerata aqqiivigineqarnissaanut Naalakkersuisut qanoq pilersaaruteqarniarpat ?**

23. oktober 2009  
J.nr. 01.28.09

Dok.nr.

Inatsisartut Suleriaasianni § 36, imm. 1 naapertorlugu Naalakkersuisoqarfimma ulloq 16. oktober ukioq manna Naalakkersuisunut apeqquteqaatit tigusimavaa Nanortalip aalisakkanik tunitsiveqarnerata aqqiivigineqarnissaanut Naalakkersuisut qanoq pilersaaruteqarniarpat pineqarluni.

Postboks 269  
3900 Nuuk  
Tlf. (+299) 34 50 00  
Fax (+299) 32 47 04  
E-mail: apnn@gh.gl

1) Nanortalip aalisakkanik tunitsiveqarnerata aqqiivigineqarnissaanut Naalakkersuisut qanoq pilersaaruteqarniarpat ?

Apeqqu 1-imut.

Tunngaviumik Naalakkersuisut ingerlatseqatigiiffimmik ingerlatsinissaq suliassarinnigilaat, aalisakkanik suliarinnittarluni suliffissuartut allatulluunniit isikkoqartunut atatillugu. Taamaakkaluartorli Naalakkersuisut ingerlatseqatigiiffimmik piginnittuunerat oqaluttuarisaanikkuunerusoq tunngaveqarpoq. Tamannalu tunngavigalugu Naalakkersuisut aalajangersimasunik pilersaaruteqanngillat, Nanortalimmi aalisakkanik suliarinnittarluni suliffissuaq eqqarsaatigalugu.

Naalakkersuisut soorunami ernumanartutut isigaat, aalisakkanik suliarinnittarluni suliffissuaq matuneqarnissamik ulorianartorsiortinneqarpat, tassami miserratigineqassanngimmat suliffissuup taamaattup najukkami innuttaasut suliffissaqarniarnikut periarfissaannut annertuumik pingaaruteqarnera sumiiffimmi Nanortalittut ittumi eqqarsaatigaaanni.

Naalakkersuisut suliassamittut isigaat, Kalaallit Nunaanni sumiluunniit ingerlatseqatigiiffimmik ingerlatsinermut pitsaasunik sinaakutassatigut piunasaqaatinik pilersitsinissaq aammalu isigigaanni, aalisakkanik tunisassionermi ingerlatseqatigiiffik ajornartorsiortoq soorunami sunnertinnarpoq. Uanili maluginiartariaqarpoq, ingerlatseqatigiiffimmik ingerlatsinissamut aallarnisaanissamullu sulissuteqarnissaq, aallaavittut innuttaasuneertussaammat aammalu Naalakkersuisut tungaanniunngitsoq imaluunniit Namminersorlutik Oqartussat tungaanniunngitsoq. Naalakkersuisunit isumagineqassaaq, sinaakutissat eqqortut pigineqarnissaat. Tama-

tuma qaavatigut nalunaarutigineqassaaq, Nanortalimmi suliffissuaq namminersortumit pigineqarmat.

2) Naalackersuisut tunitsiviup ammaannartinneqarnissaanut pilersaaruteqarnerlutik ?

Apeqquut 2-mut.

Apeqquut 1-imut akissut naapertorlugu nalunaarutigineqassaaq, Naalackersuisunit aalajangersimasumik suliniutinik aallartitsisoqarsimanngimmat suliffissuup ingerlatiinnarneqarnissaa siunertaralugu.

3) Tunumi aalisarfiusut biologinik matugallarneqarsimasut qanoq sivilutiginisumik matoqqatinneqassanersut Naalackersuisut sunik paasissutissiisinnaappat ?

Apeqquut 3-mut.

Maannakkorpiaq Tunumi, allorniusap sanimukartup 62-ip avannaani, avataani saarullinniarluni aalisarneq matoqqavoq. Takussutissaqanngilaq, taamatut aalisarnerup ukioq 2010-mi ammaqpinneqarnissaa. Piffissami maannakkorpiaq piffissaliisoqarsinnaanngilaq, qaqugu saarullinnit suffisinnaasut pilerseqqinneqarsinnaanissaannut naliliisoqarnissaa.

Oqaatigineqartutut maannakkorpiaq saarullinniarnep matuneqarsimaneranut pisutaavoq, anguniagaq malersorneqarmat tassalu, saarullinnit suffisinnaasut pilerseqqinneqarsinnaanissaat. Piffissami maannakkorpiaq suffisinnaasut naliliivigineqarput tatisimaneqartutut.

Taamaattumik aalajangersimasumik piffissaliussaqaqarnersooq nalunaarutigineqarsinnaanngilaq, qaqugu aalisarneq ammaqpinneqarsinnaanersooq. Tassani apeqquutaavoq saarullinnit suffisinnaasut qanoq ittuunerisa naliliivigineqarnerat.

Inussiarnersumik inuulluaqqusillunga

Ane Hansen  
Aalisarnermut, Piniarnermut Nunalerinermullu Naalackersuisooq